

							organizacijama (Zemaljski muzej)	
							Sa ekonomskog koda (izvor 50)	
							Ministarstvo za nauku, visoko obrazovanje i mlade Kantona Sarajevo	
35	01	0001	35010001	8216	QAX005	098	Rekonstrukcija i investiciono održavanje	200.000
							Na ekonomski kod (izvor 50)	
							Univerzitet u Sarajevu - Stomatološki fakultet sa klinikama	
35	02	0024	35020024	8216		094	Rekonstrukcija i investiciono održavanje	200.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-14010/22

04. aprila 2022. godine
Sarajevo

Ministar
Davor Čičić, s. r.

Ministarstvo za nauku, visoko obrazovanje i mlade Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 19. stav (8) Zakona o naučnoistraživačkoj djelatnosti ("Službene novine Kantona Sarajevo", broj 26/16), ministrica za nauku, visoko obrazovanje i mlade Kantona Sarajevo donosi

PRAVILNIK O POSTUPKU UPISA I BRISANJA NAUČNOISTRAŽIVAČKOG INSTITUTA KAO USTANOVE IZ REGISTRA NAUČNOISTRAŽIVAČKIH SUBJEKATA NA PODRUČJU KANTONA SARAJEVO

Član 1.

(Predmet)

Ovim pravilnikom preciznije se uređuje postupak upisa i brisanja naučnoistraživačkog instituta kao ustanove iz Registra naučnoistraživačkih subjekata na području Kantona Sarajevo (u daljem tekstu: Registar) kao i sadržaj i način vođenja Registra.

Član 2.

(Nadležnost za provođenje postupka i upis u Registar)

Upis naučnoistraživačkog instituta kao ustanove u Registar vrši se na osnovu rješenja Ministarstva za nauku, visoko obrazovanje i mlade Kantona Sarajevo (u daljem tekstu: Ministarstvo) kojim se utvrđuje ispunjenost uslova za početak rada i dalji rad naučnoistraživačkog instituta kao ustanove na području Kantona Sarajevo na način i u postupku utvrđenim Zakonom o naučnoistraživačkoj djelatnosti ("Službene novine Kantona Sarajevo", broj 26/16) (u daljem tekstu: Zakon) i ovim pravilnikom.

Član 3.

(Upis u Registar)

- (1) Nakon što stručna komisija iz člana 19. st. (3) i (6) Zakona provede postupak u skladu sa rješenjem o imenovanju, podnosi izvještaj o svom radu ministru sa mišljenjem o ispunjenosti propisanih uslova za početak rada i daljnji rad i prijedlogom u odnosu na donošenje rješenja kojim se novoosnovanom naučnoistraživačkom institutu kao ustanovi dozvoljava početak rada.

- (2) Na osnovu rješenja o ispunjenosti uslova za početak rada novoosnovanog naučnoistraživačkog instituta kao ustanove Ministarstvo će izvršiti upis u Registar.
- (3) Ministarstvo donosi posebno rješenje o upisu u Registar.
- (4) Naučnoistraživački institut kao ustanova može početi sa radom nakon izvršenog upisa u Registar.

Član 4.

(Sadržaj i izgled Registra)

- (1) Registar se vodi se u formi knjige.
- (2) Registar sadrži sljedeće rubrike za upisivanje podataka:
- broj knjige, redni broj upisa i datum upisa;
 - naziv naučnoistraživačkog instituta kao ustanove (sa napomenama);
 - sjedište i adresa naučnoistraživačkog instituta kao ustanove (sa napomenama);
 - naziv osnivača (sa napomenama);
 - broj i datum akta nadležnog organa o davanju saglasnosti na elaborat o opravdanosti osnivanja naučnoistraživačkog instituta kao ustanove (odluka Vlade i Skupštine) (sa napomenama);
 - broj i datum rješenja Ministarstva o ispunjavanju uslova za početak rada naučnoistraživačkog instituta kao ustanove (sa napomenama);
 - broj i datum akta nadležnog organa o prestanku/zabranjeni rada naučnoistraživačkom institutu kao ustanovi (sa napomenama);
 - napomena.
- (3) Podaci se u Registar iz stava (1) ovog člana upisuju plavim mastilom ili hemijskom olovkom sa plavom tintom.
- (4) Ispravka pogrešno izvršenog upisa vrši se na taj način što se pogrešno upisani tekst precrtava hemijskom olovkom sa crvenom tintom tako da ostane čitljiv, a iznad njega se upiše ispravan tekst hemijskom olovkom sa plavom tintom.
- (5) Izmjena podataka vrši se na taj način što se pogrešno upisani tekst precrtava hemijskom olovkom sa crvenom tintom tako da ostane čitljiv, a ispod njega se upiše novi tekst hemijskom olovkom sa plavom tintom dok se u rubrici "Napomena" upiše razlog za izmjenju podataka.
- (6) Brisanje naučnoistraživačkog instituta kao ustanove iz Registra vrši se na taj način što se hemijskom olovkom sa crvenom tintom zaokruži redni broj i dijagonalno precrtaju rubrike iz stava (2) tač. od a) do f) ovog člana, u rubrici g) hemijskom olovkom sa plavom tintom upiše broj i datum akta nadležnog organa o prestanku rada naučnoistraživačkog instituta kao ustanove, a u rubrici h) upiše razlog brisanja.
- (7) Registar iz stava (1) ovog člana vodi se u tvrdo povezanoj knjizi tamnoplavih korica, formata A-3, koja sadrži 200 listova bijele boje, odnosno 400 numerisanih stranica na kojima se nalaze rubrike za upisivanje podataka iz stava (2) ovog člana.
- (8) U gornjem lijevom uglu prednje korice knjige iz stava (7) ovog člana latiničnim pismom velikim slovima bijele boje, font Times New Roman 16, bold, ispisan je tekst "Bosna i Hercegovina, Federacija Bosne i Hercegovine, Kanton Sarajevo, Ministarstvo za nauku, visoko obrazovanje i mlade" a na sredini korica velikim slovima bijele boje, font Times New Roman 18, bold, ispisan je

tekst "Registar naučnoistraživačkih subjekata na području Kantona Sarajevo".

- (9) Na unutrašnjoj strani prednje korice knjige iz stava (7) ovog člana na vrhu u sredini velikim crnim slovima font Times New Roman 14, bold, ispisan je tekst "Uputstvo za vođenje Registra naučnoistraživačkih subjekata na području Kantona Sarajevo", ispod kojeg je crnim slovima font Times New Roman 12, bold, ispisan tekst iz ovog člana st. (3) do (6).
- (10) Na prvoj stranici knjige iz stava (7) ovog člana na sredini velikim slovima crne boje, font Times New Roman 14, bold, ispisan je tekst "Registar naučnoistraživačkih subjekata na području Kantona Sarajevo".
- (11) Obrazac registra se nalazi u prilogu ovog pravilnika. Od druge stranice pa do kraja knjige nalaze se rubrike za upisivanje podataka iz ovog stava (2) ovog člana.

Član 5.

(Brisanje iz Registra)

Ukoliko se u postupku i na način propisan članom 35. st. (2) i (3) Zakona utvrdi da naučnoistraživački institut kao ustanova ne ispunjava uslove za rad odnosno postupa suprotno odredbama Zakona, Ministarstvo će donijeti rješenje o zabrani daljeg rada i po službenoj dužnosti izvršiti brisanje naučnoistraživačkog instituta kao ustanove iz Registra.

Član 6.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 27-02-35-19721/22

13. maja 2022. godine
SarajevoMinistrica
Prof. dr. **Aleksandra Nikolić**, s. r.

OBRAZAC REGISTRA

a) Broj knjige: _____	Redni broj: _____	Datum upisa: _____
--------------------------	-------------------	--------------------

Registar naučnoistraživačkih subjekata na području Kantona Sarajevo	Napomene:	
b) Naziv		
c) Sjedište i adresa		
d) Naziv osnivača		
e) Broj i datum akta nadležnog organa o davanju saglasnosti na elaborat o opravdanosti osnivanja (odluka Vlade i Skupštine)		
f) Broj i datum rješenja Ministarstva o ispunjavanju uslova za početak rada		
g) Broj i datum rješenja Ministarstva o upisu u registar		
h) Broj i datum akta nadležnog organa o prestanku/zabrani rada		
i) Napomena		